

**JASMIN ADEMOVIĆ, predsjedavajući Gradskog vijeća Grada Sarajeva,
u funkciji gradskog vijećnika**

GRADSKO VIJEĆE GRADA SARAJEVA
Predsjedavajući Gradskog vijeća
za Komisiju za izbor i imenovanja

Grada i Hercegovina-Federacije Bosne i Hercegovine
Mjesto Sarajevo - GRAD SARAJEVO
GRADSKO VIJEĆE

PRIMLJENO: 06 FEB 2023			
Org. jed.	Skup.	Broj	Vrijednost
01-GV-09-222/23			

Predmet: Prijedlog za dodjelu nagrade „Graham Bamford”

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14,31/14,11/20 i 16/22), podnosim

Prijedlog
za dodjelu nagrade „Graham Bamford”
Pašagi Grbo - Paši

koji je u svom radnom vijeku učestvovao u 78 akcija spašavanja ljudi i imovine, često, nesebično riskirajući svoj život da pomogne ugroženima, čime je iskazao izuzetnu građansku hrabrost, solidarnost, humanost i altruizam.

OBRAZLOŽENJE

Iz biografije kandidata se ovdje izdvaja to da je Pašaga Grbo – Paša rođen u Sarajevu 1939. godine, gdje je i odrastao i školovao se. Po struci je ekonomista, ali je čitav život opredijeljen svojim hobijima planinarenju, alpinizmu i skijanju i drugim zimskim i planinskim sportovima, a posebno sigurnosti i spašavanju u planinskim uslovima.

U svom radnom vijeku, pored odgovornih dužnosti rukovođenja privrednim, a najviše subjekata iz oblasti turizma u Sarajevu, amaterski je vršio je određene dužnosti i učestvovao u brojnim sportskim i aktivnostima zaštite i spašavanja te zaštite okoliša. Bio je sekretar Planinarskog saveza BiH, predsjednik Planinarskog društva „Igman“, predsjednik Gradskog planinarskog saveza Sarajeva, načelnik Stanice Gorske službe spašavanja na XIV ZOI 84, organizator i vođa Instrukcijskog tima za obuku jedinica u toku rata (1991-1995), član Speleološkog društva BiH, član Gorske službe spašavanja i PD „Bjelašnica“. Vodio je 14 škola spašavanja sa najsavremenijom opremom, po evropskim standardima, u organizaciji Planinarskog saveza BiH i Kluba spasavalaca 2000 čiji je jedan od osnivača i predsjednik. Bio je organizator više od 20 škola skijanja čiji učesnici su bili reprezentativci BiH i delegati FIS-e. Učesnik je u organizaciji Armijskog svjetskog prvenstva u alpskim disciplinama u dijelu obezbjeđenja i organizacije službe spašavanja, učesnik u organizaciji prvenstva u paraglajdingu, učesnik je u organizaciji Evropskog prvenstva radnika šumske industrije u nordijskim disciplinama u dijelu obezbjeđenja i organizacije službe spašavanja. Učesnik je u organizaciji EYOF 2019 za sve priredbe održane na Igmanu i Bjelašnici, u dijelu obezbjeđenja i organizacije službe spašavanja. Organizator je i učesnik akcija obilježavanja planinskih staza, a posebno postavljanja tabli obavještenja, upozorenja i zabrana na lokalitetima opasnim po život, na liticama i lavinskim područjima, a s ciljem da se boravak na planinama učini sigurnijim. Učesnik je i akcija dostavljanja hrane ugroženoj divljači, posebno u zimskim uslovima.

Dobitnik je brojnih priznanja: Orden rada sa srebrnim vijencem, priznanja Grada Sarajeva, Spomen plakete SOFK-e Sarajeva, Zlatne značke SOFK-e BiH, Priznanja ZOI 84, Zlatne plakete Gorske službe spašavanja za 50 godina rada, Nagrade „Bosanski stećak“ Prvog korpusa Armije R BiH za doprinos obuci pripadnika Armije R BiH.

Učestvovao je u planinarskim poduhvatima osvajanja vrhova u zemlji i svijetu. Promovisao je i legendarni Babin Zub za poligon za slobodno penjanje kao dio dvojca koji ga je prvi savladao. Ovo je otvorilo vrata sada popularnom slobodnom penjanju u kanjonu Miljacke od Bentbaše do Kozje ćuprije.

Učestvovao je i u brojnim akcijama usmjerenim očuvanju prirodnog i historijskog nasljeđa. Omiljen je u svom „planinarskom“ društvu i sada, često, najstariji učesnik njihovih aktivnosti, učitelj i uzor mladim planinarima i spasiocima. Unatoč godinama i dalje je u odličnoj formi. Ništa manje nije odan čovjeku i prisutan je na svim terenima gdje djeluje gorska služba iz Sarajeva, nesebično dijeleći upute i savjete o tome kako biti dio planine.

Svoja saznanja iz pedesetogodišnjeg iskustva u radu i učestvovanja u akcijama spašavanja ljudi kontinuirano prenosi mladima, naglašavajući da nesreće dolaze isključivo zbog nepoznavanja planine i čudi prirode koju treba „nadmudriti“ razumom i znanjem, a da je „adrenalin“ često poguban. Mlade upozorava da se na planinu nikada ne ide sam i nikad prije 48 sati od padanja snijega.

Inicijator je i organizator kontinuirane obuke i adekvatnog opremanja, u svemu u skladu sa međunarodnim standardima, Kluba spasavalaca 2000 i dugih kojima je ovakva obuka neophodna, za spašavanje sa teško pristupačnih terena, iz klisura i kanjona, dubokih pećina i glečerskih pukotina, spašavanje sa visina, sa ski liftova, u snježnim uslovima, iz mirnih i divljih voda i svih drugih prostora i uslova za što je potrebna posebna obuka.

Čast mi je i zadovoljstvo predložiti Pašagu Grbu – Pašu za dodjelu nagrade „Graham Bamford“, ljubitelja prirode i sarajevskih planina koji je čitav život opredijelio njihovoj promociji i očuvanju, a posebno motivaciji i obuci mladih za siguran boravak na planinama i spašavanju u svim vremenskim uslovima i na svim terenima.

U Sarajevu, 06.02.2023. godine,

Jasmin Ademović, s.r.